

Кече ва бугун



11:07 / 05.08.2020 1934

Кече савобларни кўпайтириш пайдан юрадим, бугун кўп гуноҳ қилмасликка ҳаракат қилаяпман.

Кече ҳар бир нарсанинг энг яхшиларини олардим, бугун борига қаноат қилишни ўргандим.

Кече дўстларим билан суҳбат қилардим, бугун кексаларни тинглагим келади.

Кече насиҳат қилаверардим, бугун ибрат бўлишга интиlamан.

Кече кўпларни танқид қилардим, бугун ўшаларни рағбатлантирсам дейман.

Кече кўнгилларни қолдиришдан оғринмасдим, бугун кўнгилларни ололмаётганимдан афсусдаман.

Кече хато қилишса жазолардим, бугун тузатишларига имкон бергим келади.

Кече инсонларга ишонардим, бугун юрагимни фақат Раҳмонга очаман.

Кече олимларнинг илмига ҳавас қилардим, бугун тақводорларнинг амалига мафтунман.

Кеча Аллоҳдан сўрайверардим, бугун Аллоҳ олдида сўралишим борлигини ўйлайман.

Кеча кўзларим Каъбани кўрмоқ орзусида эди, бугун қўнглимга Каъба қуришни дуода сўраяпман.

Кеча яшашим кераклигини билардим, бугун ўлим муқаррарлигини англадим!...

Islom.uz портали таҳририяти